


狂  
花  
集  
全

69  
130

6




小川一武印行




太翁之肖像

# 和花集



小川一眞印行



太翁之肖像

# 和花集

少之江湖事此生晨夕遊  
潮自輕而向世人無語  
平一河多里宿  
大

狂言集自序

小喜之昔旌李花三四開感  
時氣而然也余少好詩中事  
毒走于衣食絕不復作頃日  
閑道之餘觸物成詩賦少詩

以道真猶狂也寧以寧哉因以  
為余集蓋余詩狂也晚節  
值憂患屏隱竹墅以吟消日  
二十有餘年于此而諫  
傲不遑推教固不可與

世之詩人同視也

丙申臘月吉為識

太翁。姓望月。諱俊良。通稱翁太郎。號天香。太翁晚年之號也。文政二年三月二十三日。生於江戶本所。德川幕府之家臣也。天保元年出仕。慶應三年致仕。明治三十二年一月十二日。歿於東京番町。享年八十一。有五男一女。曰源一郎(襲森田氏改六三郎)。曰二郎。曰三郎(亡)。曰俊稜(初名四郎)。曰五郎(冒小宮山姓。曰良久(嫁西山氏))。

# 狂花集

壬寅

## 釣人十首

錦渠花落浪添紋。水上風輕綸影分。偷眼遙看石橋畔。酒旗飄掉映殘曛。

十間河上酒旗斜。紅袖頻迎橋畔家。老子多情堪笑着。收綸去要一杯賒。

清晨魚躍荻蘆腥。乍訝把竿迷釣汀。川上窰煙低一片。中郎橋畔晝冥冥。

芳氣全收綠樹新。誰人戴笠獨垂綸。無端相看黃牛渚。  
忽爾重逢白鳥津。  
愛伴浮鷗狎水烟。槎頭釣盡漢江鱗。避炎來坐綾灘上。  
待月閑婦翹塢邊。  
參差檣影簇尖牙。虹勢橫穿橋柱斜。日暮釣休涼更進。  
一痕洲月照三叉。  
射堂過了偶尋來。天女祠前眼界開。落日潮平品江迥。  
把竿指點認輪臺。  
家々引水水分門。潮勢衝開藏木墩。知是游魚忽驚散。

移查拔梗上流渾。

雨餘蘆蕩碧淙淙。柳下投鉤坐石砦。釣老偏嫌四橋近。  
趁墟喧到白猿江。

游人多少幾徜徉。獨荷長竿繞野塘。羅漢洲前更過了。  
時聞禪飯普茶香。

甲辰

冬至作寄乙耐軒翁翁時在甲之徽典館

長至薄陰城上凝。料應歸夢繞觚稜。無端拈起寒雲句。  
遙憶西州杜少陵。

乙巳

十一月二十八日雪後下西城渡二重橋  
東江光迫奈寒何。拂曉重虹更懶過。城下下看新雪舞。  
參差萬屋疊銀波。

丁未

初冬偶成

冬暖牢晴已幾旬。荒々瘦日照霜晨。園丁忽報狂花發。  
火急裁詩賞小春。

戊辰

曝衣

追想當年心欲摧。篋中捧出淚頻催。三莢尙賸君恩得。  
長在賜衣衣上開。

庚辰

元旦

舊年事向新春盡。除夜夢隨元旦醒。笑與梅花開口賀。  
老夫強健汝芳馨。

春雨

春雨灌花偏有情。終宵入枕夢魂清。誰言點滴如琴筑。



亦似桃梨相語聲。

辛巳

春日雜吟

花陰塵起試華驪。柳下風恬蹴綵毳。豪氣春游非我事。  
閉窗晝永夢滄洲。  
半簾語燕滿林鶯。小院風過花氣清。讀數卷書消永晝。  
酌三杯酒賞春晴。  
夢爲蝴蝶去尋芳。繞柳穿花過粉牆。却被鶯兒捎得醒。  
醒來春減幾分強。

壬午

墨水遊春詞四首之二

路頭無處不芳芬。羅綺翻風蝶翅紛。未到花邊意先到。  
隔江十里認紅雲。  
最喜看花愁易消。好將芳信付春潮。吾妻橋下相思水。  
日夕來過雙枕橋。

甲申

題扇頭美人圖

細腰如舞掌中輕。雙袖翻風暑氣清。應是美人心語口。

秋來或恐絕恩情。

蝸牛

雨後蝸牛出薜蘿。徐隨濕處吐涎過。愛君能學仙家字。  
寫我窓前蕉葉多。

夏夜即事

風牀露枕臥中庭。仰面長空一樣青。萬點星中誰是我。  
傍人指點老人星。

秋草

王孫去後誤歸期。草色欲黃霜隕時。一寸芳心猶尚在。

惹他秋夢到天涯。

霜曉

殘月懸天猶照人。滿橋無跡曉霜新。寒溪楓落紅浮水。  
誤認桃花欲問津。

乙酉

新年

歲新身健事無忙。閑對瓶梅一朵香。老子今朝尙依舊。  
滿頭難拂去年霜。

尋梅

尋春十里逐晴暄。不向京城向野村。未識主人何姓氏。  
梅花開處即敲門。

梅花如雪

烟施暝色接柴門。窓紙猶明書耐繡。細字數行看得好。  
梅花如雪照黃昏。

冬柳

不似渭城朝雨滋。何堪灞岸朔風吹。行人踏雪郵亭路。  
爭得衰條縮別離。

憶見輕盈臨小池。綠鬢如洗鏡中姿。霜風吹老腰支細。

恰似佳人消瘦時。

枇杷

最喜枇杷經雨肥。摘來數日療朝饑。不須霜橘題三百。  
香味何曾讓荔枝。

初夏

四時初夏最相宜。午睡覺來無所思。忽看墻頭新筍出。  
長、短、競龍姿。

同二梅遊墨水有感

四十年前墨水秋。重來白髮感曾游。流霞共酌仙霞洞。

明月同看棹月樓。

仙霞棹月皆舊酒樓名昔有而今無矣

冬夜偶成

一穗寒燈照素帷。鐘聲數盡枕欹時。老夫睡覺天難曉。  
也是隣鷄鳴自遲。  
窓前霜滿月如烟。夜半老懷思舊年。泉下故人多入夢。  
自憐文政一遺民。

題瓶中梅菊圖

黃冠縞袖露華濃。好插瓶中共玉容。映出燈前隱士影。  
林逋陶令似相逢。

冬日偶成

身似凍蠅潛牖底。心如霜鶻憶天涯。荒村冬暮門慵出。  
處、梅花未發時。

冬夜酌酒

燈影蕭條夜正闌。一樽傾了睡還難。忽醒薄、酸、酒。  
那敵惜、漠、寒。

丙戌

新年

兒孫呼覺乃翁眠。喜起晴窓紅日前。非是今朝異昨日。

祇因人意賀新年。

題瓶中梅花水仙

瓶中對插影團欒。好遣詩翁子細看。遙惹湘江春夜夢。  
來尋庾嶺月明寒。

春日雜吟

東皇用意是耶非。廿四春風次第吹。看到桃紅柳綠日。  
初知雨露更無私。

客中寄東京木村三梅

晚向春空望白雲。梅花消息阻知聞。龜陰村北墨江畔。

新古二莊開幾分。

次韻東京向山黃邨墨水詩

長命寺前櫻樹紅。羨君留宿彩雲中。何須騎鶴揚州去。  
好與沙鷗夢寐同。

桐生道中

憶曾驛吏館前迎。輿上眠聞喝道聲。今夜勞生息何處。  
風餐露宿逐程行。

偶興

也與梅花堪歲寒。貧居久慣住山間。此身多謝何清福。

不擬求閑自得閑。

同黃邨翁訪二梅

偶隨書客訪詩翁。案上盆蘭伴矮松。身世已經桑海變。  
相逢話舊感無窮。

黃村翁宅嘗福州柑

風味甘香勝荔支。瓊漿似乳憶西施。無端拈起坡仙句。  
正是橙黃橘綠時。

將赴浪華瀛車中作二首

車中一瞬幾州過。萬象送迎如擲梭。千里江山勞應接。

惟看富嶽不知他。

山搖樹舞地頻移。忽似憑虛羽化飛。何羨大鵬誇逸翮。  
片時坐睡到京畿。

宿靜岡

神君曾憩此岡邱。父老于今說故侯。風俗人情自仁厚。  
甘棠遺愛足千秋。

訪西京舊友三首

一別商參三十春。共經離亂幸完身。忽然相值猶疑夢。  
先聽聲音即覺真。

西北東南只任天。風波身迹斷蓬遷。相看今日翻難醉。  
惆悵樽前話往年。

世換時移人更新。轉頭如夢跡難尋。休談三十年前事。  
我亦衰遲文政民。

過大坂城

有餘威力震西夷。却恨曾忘墻下危。身後堅城受兵日。  
何如小室煮茶時。

謁楠公廟

勝敗難期自是天。遺謀授子永相傳。如今骨朽名無朽。

忠憤猶留古湊川。

福原懷古

填江招日築花宮。壽永榮華一夕空。諫父敬君臣子在。  
至今猶惜小松公。

到土州須崎見孫兒三首

晝思夜夢只飛魂。每見隣兒憶外孫。今日相逢喜無極。  
蹢躅繞膝自溫存。

垂髫豐頰口唇紅。相笑相親拜乃翁。忽把京城遊玩物。  
膝前分與喜無窮。

兒孫並坐乃翁傍。如荀生成爭短長。嬉戲踟躕迴膝下。  
斯身不覺在他鄉。

寄東京向山黃邨兼寄木村二梅

海雨蕭々有所思。自憐隨雁在滄湄。去年幽事猶堪記。  
共訪梅翁話舊時。

土州須崎港遣興二首

投老江湖暫寄棲。釣磯春暖草初齊。波頭高處三千丈。  
却比京塵十丈低。

日々漫遊伴釣翁。披襟海角受東風。不妨千里京城遠。

到處乾坤春色同。

庚寅

新年寄東京木邨二梅

芳蘭無恙有精神。併喜君能養性真。壁上逃禪梅畫幅。  
應教踈影主張春。

客中迎歲

客意偏驚歲月遷。浮萍身世獨堪憐。僻陬村落未諳曆。  
謂是新年仍舊年。

憶東京花寄黃邨



同游無奈每相違。只有夢魂千里飛。春滿皇都花似錦。此時爭得不思歸。

有感

浮生如墨日消磨。歲月無情難奈何。老去閑來算知己。大都泉下故人多。

客中偶作

底事閑游滯異邦。忽驚秋盡復殘冬。羈窓頻作還家夢。夢聽長安夜半鐘。

寄向山黃村

一枕黃梁夢醒時。世華已逐歲華移。中興漢室岑馮在。不若繙書下董帷。

辛卯

詠梅

半隨明月半依雲。玉潤冰清着素裙。何事靈均不相識。古來賢哲避聲聞。

雪中看梅

梅花開與六花新。蝶夢蜂魂未解春。絕似鴻濛初判日。素衣寒立獨尊人。

月下看梅

清光皎潔兩相新。撲鼻奇香惱殺人。一段園中添夜景。梅花明月主張春。

雨中看梅

枝頭香滴幾聲。縞袂濕來偏待晴。憶起浣花溪上雨。西施佇立若爲情。

春寒

惻々春寒憶一杯。此時笑口向誰開。山童憐我無聊甚。呼取青州從事來。

坐忘

坐忘無奈已難醫。相值熟人如不知。昨夜吟成題片紙。今朝看問是誰詩。

夜市買蟲

晚向街頭買艸蟲。聲々相喚小籠中。歸來枕上多秋意。夢繞郊垌風露叢。

題齋壁

家無長物又無塵。詩思酒情人卒真。竹葉搖時風拂座。茅檐破處月爲隣。歸山採藥偏憐老。聽雨愁花更惜春。

石鼎烹芽只怡悅。初知茶味爽心神。

冬日園中所見

微陽淡々。罩寒烟。忽見籬根枯艸邊。垂死凍蜂猶抱葉。  
翻思毒刺亦堪憐。

夜寒

街頭凍合雪猶殘。籬竹鳴時風正乾。深夜霜天山月白。  
誰過門外屐聲寒。  
半夜祈寒刺骨頻。悵々漠々轉酸辛。此時何處須逃避。  
好擁重衾溫滿身。

癸巳

觀花雜咏十二首

詩思一段爲花深。野寺山祠迂路尋。終日遊行無遠近。  
只同胡蝶逐歡心。

笑語追歡幾歲華。悠々行樂是生涯。此身何幸逢清世。  
無病無憂閑看花。

依舊櫻花顏色新。珍重相共又逢春。年々來看情何厚。  
爲報莫爲行路人。

吟哦獨要領芳菲。幾度來看到夕暉。花若有情應笑我。

好詩難就復空歸。  
日、看花拖杖頻。已成春服着來新。爭趨功海名淵裏。  
孰與逍遙閑散人。  
一株古木吐微紅。寂寞荒邨深樹中。莫恨人來無愛惜。  
畫工應寫上屏風。  
九春心事在芳菲。老脚忘勞信所之。花上啼鶯似笑我。  
看花幾日是休時。  
文政遺民似令威。老懷何故值春悲。時移世變人都換。  
只有櫻花是舊知。

舊樹枯摧今有無。後人補植助遊娛。香雲十里長堤路。  
來往算來千百株。  
十里長堤夜色晴。燈光兩岸照江明。紅雲相擁深如洞。  
獨踏花陰月影行。  
櫻樹花開同古今。扶藜緩步獨幽尋。滿堤依舊春如海。  
往事茫茫感慨深。  
行樂不關塵世事。吟哦偏愛歲華新。翻悲荏苒流光去。  
人老花殘又一春。

春日偶成二首

天到清明風雨多。殘寒料峭晚增加。前村買醉歸來路。  
遙隔青帘認杏花。

梅子青々如豆時。杏櫻桃李競春姿。風光占盡誇顏色。  
却憶疎花竹外枝。

暮春即事五首

桃梨如錦是天工。樹々花開白又紅。昨夜飄零風雨裏。  
半隨流水半泥中。

花開花落夜來雨。欲暮春隨東逝波。惆悵流光不相待。  
無情渾向此中多。

芳菲消盡綠陰濃。悵望韶光過眼空。忽看蛛絲高結網。  
殘花掛住兩三紅。

春色黯然何處歸。滿庭綠樹鎖書幃。永日無聊貪睡夢。  
從此閑人詩興稀。  
也是一年春事收。落花飛絮逐東流。遊絲數尺無情甚。  
不繫東皇歸駕留。

藤花

藤花開掛古松柯。紫袖垂々翻綺羅。訝看人間洛神在。  
驚鴻影動映池波。

初夏雜興三首

紫白交開杜若花。繞池粧點野人家。閑窓何物呼幽夢。  
和雨聲、樹上蛙。  
庭樹籠窓綠透紗。煎茶未熟坐聞蛙。東皇全未收春去。  
落後牡丹猶有花。  
睡起開窓興味長。時聞何處焙茶香。新篁昨日看無見。  
三尺今朝高出墻。

乙未

元旦

七十今朝又七年。起居清適益安然。兒孫先賀乃翁壽。  
並拜春盤春勝前。

霜曉

天明殘月欲收光。早起侵寒下艸堂。石上霜凝白於紙。  
指頭笑拂壽而康。

七十七自壽

浮生如夢跡難尋。白髮蕭疎歲月深。漸近期頤雖自賀。  
翻悲多減舊知音。

閑坐二首

狂  
花  
集  
十一  
閑翁閑坐似痴頑。獨倚閑窓閑見山。閑臥閑吟閑自在。  
閑身閑意十分閑。  
老來身懶踏風塵。心逐仙槎憶海濱。只愛明窓書一卷。  
焚香終日坐重茵。

日稍長

節過書雲一線長。莫言今日忽斜陽。幽人較覺閑窓裡。  
細字寫來添數行。

丙申

謾言八首

林下逍遙養性真。老懷常淡不傷神。身居天爵無榮辱。  
似我閑人有幾人。  
尋思已往一無爲。來者從今尙可追。畢竟人生行樂耳。  
花前把酒興相隨。  
窮達死生無定源。一身禍福豫難言。人間萬事皆遭遇。  
貴賤賢愚不用論。  
陰德積來遺子孫。子孫承繼德長存。子孫世、曾玄後。  
陽報必然何用言。  
于仙于佛又于儒。念似浮雲淡欲無。畢竟人間衣食外。

置身閑處是良圖。  
老去閑來思舊頻。嘗逢離亂更傷神。而今最喜清平世。  
復作安寧逸樂人。  
看來世俗變遷頻。道德爲非僞作真。應是湘流亦溷濁。  
遙憐澤畔獨醒人。  
此身須學六藏龜。世態人情不可期。萬古千秋如一日。  
依然不變但天時。

次韻向山黃邨雪詩

心情不與世情同。遁跡寄身東海東。老病何須他藥石。

奇寒堪護是屏風。夢清孤枕瓶梅底。窓白三更雪屋中。  
莫使外人知此趣。對吟分影一燈紅。



狂花集終

凡事物者如有幸不幸而  
存者矣先人夙知去之變  
乎卜地郊外屏居昔絕志  
當世深自韜晦嘗著一書  
曰夢餘隨筆蓋記平生所

歷觀之事誠家人云我百  
年之後可傳之世以故藏之  
筐底未嘗出示人數年前  
感夏曝書索之無得也亦  
不知其所以報失豈可不信乎

先人所作詩所謂如小春之  
天飛櫻李杏感激暖雨三  
發狂花僅若干首耳固不  
問之拙况多少哉酌繼遺  
志壽之黎棗庶幾不復發

1574/40

迄云云亥十一月下  
泮男增  
謹識數言於卷尾

明治三十二年十二月二十八日印刷  
明治三十三年一月十二日發行

非賣品

編輯兼發行者

東京市麹町區一番町廿七番地

望月二郎

東京市京橋區四船屋町廿六七番地  
株式會社秀英舍員

印刷者


青木弘

印刷所

東京市京橋區四船屋町廿六七番地  
株式會社秀英舍

69  
130

69
.
130



花集

完

087739-000-5

69-130

狂花集

望月 二郎 / 編

M33

DBF-0053

